

سنه لکي در سعادت ایچون مجیده  
یکرمی غروش حسابیله الشمس  
غروشدر

طشره ایچون بوسته اجر قی اوله رق  
اون بش غروش ضم اولنور

نسخه سی ۴۰ پاره در

# تذکره محاکمه عدلیه

آبونه اولق ایستینلر دائره عدلیه ده  
اداره مخصوصه سنه مراجعت  
ایتملدر

اعلاناک بهرندن بر مجیده اخذ  
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

## تَبْلِیْغَات

الزام سندلرندن طولای ملتزمین و کفلاسنگ  
اموال منقوله و غیر منقوله سی حقنده حجز احتیاطی به  
لزوم اولیوب بونلر حکم استحصاله حاجت اولقسزین  
طوغریدن طوغری به اجرا معرفتیه حجز وفروخت  
اولنه بیله جککرینه دائر انجمن عدلیه نك جریده محاکم  
عدلیه ده نشر و اعلان اولنان قراریه ۲۱ کانون اول  
سنه ۳۱۱ تاریخی تحریرات عمومی و اولباده کی  
اصول و قوانین مرعیه بیننده موجب تردد بر مبانیت  
کورلیدیکی بیغاسنجانی بدایت محکمه سی مدعی عمومی  
معاونلکندن اشعار اولندیغندن بختله کیفیتک برقرار  
قطعی به ربطی حقنده در سعادت استیناف مدعی  
عمومیلکندن اعطا قنسان مذکره انجمن عدلیه به  
لدی الحواله ملتزمین ویا کفلاسنگ خزیننه جانبندن  
حجزی طلب اولنان اموال منقوله سی اکثریا قراده  
بولوب حجز احتیاطی به دائر ویریلان قرارلرک معاملات  
تبلیغیه و تنفیذیه سی ایسه مقاولات محررلرینه عائد  
وظائفدن اولدینی بیانیله بومثللو اموال منقوله ایچون  
طوتلسی طیبی اولان ضبطنامه نك لدی الایجاب قید  
وتحریری ضمننده دفتر مخصوصنک قریه کوتورلمسی  
مخالف قانون اولدینی کی بونک هانکی دفتره قیدی  
اقتضا ایده جکی و آله حق خرجک کیمه عائد اوله جکی  
مقدما اشقودره استیناف مدعی عمومیلکندن استفسار  
اولنسنه جواباً انجمنجه دخی ملتزمین و کفلاسنگ  
اموال منقوله و غیر منقوله سی حقنده حجز احتیاطی به  
لزوم اولیوب بونلر حکم استحصاله حاجت اولقسزین  
طوغریدن طوغری به اجرا معرفتیه حجز وفروخت  
اولنه بیله جککریندن اولباده جریان ایده جک حجز  
معاملاتنک دخی دائره اجرایه عائد اوله جکی ومقا  
ولات محررلکی وظائفه تعلق ایتمیان بومقوله میری  
مدیونلرینک قبل الحکم اموال منقوله لرینک حجزینه  
متفرع معاملاتنک تدقیق صور اجرائیه سی خارج  
از صدد اوله رق تردده شایان مسائلدن اولمدینی  
مطالعیه سی بیان و سائر مدیونلرک قبل الحکم حجز

احتیاطی آتته آلمسنه محکمه جه ویریه جک قرارک  
اجراسیچون معاملات متفرعه ده مقاولات محررلرنجه  
ایدیه جک معامله ایضاحاً سرد واتیان قلمش اولسنه  
کوره حجز احتیاطی آتته آله جق هر نوع اموالک  
معاملات حجزیه سننده وظیفه دار اولان مقاولات  
محررلرینک سلب صلاحیتی یولنده انجمنجه برکونه  
قرار ویرلماش و حجز اجرایه ایسه مقاولات  
محررلرینک اجرا ایده جکی بر وظیفه بولنیوب بوکا  
متعلق معاملات اجرا دائره سنه عائد وظائفدن اوله رق  
انجمنک قرار سابقی دخی بومرکزده بولنش ایکن  
جهت حصر تأمل ایدیه رک انجمن قراریه سالف  
الذکر تحریرات عمومی و اصول مرعیه بیننده مبانیت  
بولندیغندن بختله تردد ایدلمسی قرار مذکورک یا کلش  
تلقی اولنسندن منبعث اولدینی افاده واولوجهله عدلیه  
نظارت جلیله سنندن مذکور مدعی عمومیلکه تبلیغ ماده  
ایدلمشدر .

## محاکمه قریه سنه

اندران اوغلی مارکره نك دکانسندن لیلأ اشیا  
سرقت ایتملرندن دولای جنایتله اتهام اولنان حسین  
بن عمر ومصطفی بن مرعان واحمد بن حاجینک اوچر  
سنه مدتلرله کورکه قونلرینه دائروان ولایتی استیناف  
محکمه سی جزا دائره سنندن ویریلان ۹۱ نومرولی  
اعلام محکمه تمیز جزا دائره سنجه تصدیق اولنمشدر .

جمعه قضا سنک دور غوتلر قریه سنندن یورکی به  
سلاح انداخت ایتمسندن دولای جنایتله اتهام اولنان  
قریه مذکورلی یانی ولد یورکینک اوچر سنه سنه مدتلله  
کورکه قونلسنه دائر سرفیچه سنجانگی بدایت محکمه سی  
جزا دائره سنندن ویریلان ۳۴۲ نومرولی اعلام محکمه  
تمیز جزا دائره سنجه تصدیق اولنمشدر .

اهالی محلیه یی یکدیگری علیه سقوق وتحریک  
ایتدکاری اداسنندن دولای جنایتله اتهام اولنان

قورنه قضا سنک مدینه ناحیه سی اهالیسندن جاسم بن  
محمد وصبح بن محسن وعلاوی بن محمدک التیشرسنه  
مدتلرله قلعه بند ایدلملرینه دائر بصره ولایتی مرکز  
بدایت محکمه سی جزا دائره سنندن ویریلان ۸۰ نومرولی  
اعلام محکمه تمیز جزا دائره سنجه تصدیق اولنمشدر .

لفکه ناحیه سنک اریجک قریه سنندن اوزون محمدی  
جرح و قتل ایلدیکی ادعا قلمسندن طولای جنایتله  
اتهام اولنان قریه مذکورلی پهلوان محمدک اون بش  
سنه مدتلله کورکه قونلسنه دائر ارطغرل سنجانگی  
بدایت محکمه سی جزا دائره سنندن ویریلان ۵۴ نومرولی  
اعلام محکمه تمیز جزا دائره سنجه تصدیق اولنمشدر .

عکار قضا سنک شیخ طایا قریه سی اهالیسندن  
آراهجی داودی قتل ایلدیکی ادعا قلمسندن طولای  
جنایتله اتهام اولنان طرابلس شام اهالیسندن آراهجی  
سعید بن ابراهیمک اون بش سنه مدتلله کورکه قونلسنه  
دائر طرابلس شام سنجانگی بدایت محکمه سی جزا  
دائرة سنندن ایکنجی دفعه اوله رق ویریلان ۴۱۰  
نومرولی اعلام محکمه تمیز جزا دائره سنجه تصدیق  
اولنمشدر .

عیتابک اوفه جق قریه سنندن محمد اوغلی حسنک  
خانه سی دیواری دله رک اشیا سنی سرقت ایلدیکی ادعا  
قلمسندن طولای جنایتله اتهام اولنان یوسف اوغلی  
اوزون حسنک اوچر سنه مدتلله کورکه قونلسنه دائر  
حلب ولایتی استیناف محکمه سی جزا دائره سنندن  
ویریلان ۴۸۰ نومرولی اعلام محکمه تمیز جزا دائره  
سنجه تصدیق اولنمشدر .

قاسم باشاده بهاللق ایدن خرا لامبونک دکانی  
قیوسنی آت مخصوصه ایله آچهرق اشیا سنی سرقت  
ایلدیکی ادعا قلمسندن طولای جنایتله اتهام اولنان  
یغورتچی واسیل ولد قوزمانک اوچر سنه مدتلله کورکه  
قونلسنه دائر در سعادت جنایت محکمه سنندن ویریلان



۱۱۹ نومروى اعلام محكمه تمیز جزا دائره سنجه تصدیق اولمشدر .

مسلم بن سلیمان قتل ایلدیکى ادعاسندن طولانی جنایتله اتهام اولنان خبر وایوانک اون بش سنه مدته کورکه قولسنه دائر سوریه ولایتی استیفاف محکمه سی جزا دائره سندن ویریلان ۶۶۰ نومروى اعلام محکمه تمیز جزا دائره سنجه تصدیق اولمشدر .

قدقلیده صالح رئیسک قهوه خانه سنده بالحقلى احدى قتل ایتمسندن طولانی جنایتله اتهام اولنان آستانه لی حسین بن اسماعیلک اون بش سنه مدته کورکه قولسنه دائر در سعادت جنایت محکمه سندن اعطا قلنان ۱۹۴ نومروى اعلام محکمه تمیز جزا دائره سنجه تصدیق اولمشدر .

کمریه قضاسنک ستومه قریه سی یکجیسی مرین قراقلی قتل ایتمسندن طولانی جنایتله اتهام اولنان بهلیشته لی آستاسه ولد یوانک اون بش سنه مدته کورکه قولسنه دائر کوریجه سنجانی بدایت محکمه سی جزا دائره سندن ایکنجی دفعه اوله رق ویریلان ۱۱ نومروى اعلام محکمه تمیز جزا دائره سنجه تصدیق اولمشدر .

عیانحق قضاسنک خضرلی قریه سندن صوفی اوغلی رمضان بلقالبه قتل ایتمسندن طولانی جنایتله اتهام اولنان حسنک اوج سنه مدته کورکه قولسنه دائر سینوب سنجانی بدایت محکمه سی جزا دائره سندن ایکنجی دفعه اوله رق ویریلان ۴۰۶ نومروى اعلام محکمه تمیز جزا دائره سنجه تصدیق اولمشدر .

غلطه ده بکرده زقاغنده ساکنه خدمتجی مریمی قتل قصدیه جرح ایلدیکى ادعا قلنمسندن طولانی جنایتله اتهام اولنان یونان دولتی تبعه سندن یورکی ولد سراندینک اوج سنه مدته کورکه قولسنه دائر در سعادت جنایت محکمه سندن ویریلان ۱۶۳ نومروى اعلام محکمه تمیز جزا دائره سنجه تصدیق اولمشدر .

۱۶۲ نومروى نسخه ده مندرج در سعادت جنایت محکمه سی اعلامنک مابعدی :

واقع اولان استیضاح اوزرینه شاهد عثمان نوری افندی کچن محاکمه کونی ضابطه جه مهم برایشی اولدینی جهته کله مدیکنی بیان ومطالعه سی صوریلان معاون مومی الیه دخی شاهد معذرت مشروعه سی اثبات ایده مدیکنی سورته جزای تقدینک ایضا ایدلسی لازم

کله جکنى آبان ایتملرله لیدی المذکره شاهد عثمان نوری افندی معذرت مشروعه سی اولدیفنه دائر علم وخیر کتوردیکى حالده ایجابنه باقلمسینه متفقاً قرار ویریله رک دیگر شاهد شا کر افندی دخی وقعه کیجه سی ساعت یدی یچق راده لرنده بک اوغلنده چیچکچى زقانى باشنده اوطورورکن متهملرک دکانی اوکنده بر غلبه لک کورمکله اورایه کیتدیکنده دکانک باقمده اولدیفنی سوبلدیکرندن ایچور کیردیکر نه دکانک ایچ طرفنده ماصه سوبلدیکنده برچوالک باقمده اولدیفنی کوردیکنی وهنوز باقلمده اولان تسمندن طوتوب طیشاری چکمه کله باشلادینی صرده متهم لوئی چوالی سوندرمک ایستورمش کبی چوالک اوزرینه آلدیفنی و برادره لق اوزارنی استیلا ایتدیکنی وچواله دیمه الیه کیمک اوردیفنی کورمدیکنی بیان ولدی الاستیضاح چوالک دروننده نه اولدیفنی بیلمدیکنی ویاغین باشلادقدن برچادیک ساعت صکره دیمستوقلی یی اوراده کوردیکنی آبان ایتمکله دائره استیضاحه ابتدای حریقده لوئیک کیمش وختی شاقه سی دخی باشنه قومش اولدیفنی کوردیکنی سوبلدیکى شاهد شا کر افندی یه اخطار ایدلکده بوجهتی در خاطر ایده مامکده بولنش اولدیفنی و بوراده کی افاده سی طوغری ایدوکنی وحقنده شهادت ایلدیکى شخص حاضر بولنان متهملردن لوئی اولدیفنی در میان ایلدی .

بوشاهدک شهادته نه دیه جکی لوئیدن ومحل حریق الیه خانه سی بیلنده کی مسافه نک نه قدر ایدوکى دیمستوقلیدن صورلدقده لوئی برده جکی اولدیفنی و دیمستوقلیده محل حریق الیه خانه سی درت بش دقیقه بر مسافه ده بولندیفنی سرد ایتدیلر .

واقع اولان استیضاح اوزرینه جزای تقدی الیه محکوم بولنان شاهد شا کر افندی کچن محاکمه کونی خسته لکی حسیله محکمه یه کله مدیکنی سوبلدیکه معاون مومی الیه ک طلیبه شاهد شا کر افندی خسته لکته دائر راپور کتوردیکى حالده ایجابنه باقلمسینه متفقاً قرار ویریلوب متهملر طرفدن آرو آرو ویریلان استدعا نامه ده اسملری محرر اولوب دعوت واقعه یه منی ورود ایتدیکری خبر ویریلان ومتهملرک هرایکسی طرفدن اقامه اولنان بک اوغلی متصرفلق دائره سنده مستخدم صاری یارلی اوتوز ایکی باشنده قومیسر زنجی محمد افندی ابن سلیمان ولوی طرفندن اقامه اولنان بک اوغلنده اطه زقاغنده ادهم افندینک غازی نوننده مقیم آستانه لی یکری سکر باشنده علی افندی ابن نوری ومذکور زقاغده قهوه سی قرق باشنده آستانه لی یاقو ولد قسطنی ویلیان کو بریسنده ماوی زقاغده میخانه جی الی باشنده آنستی ولد آندون

و دیمستوقلی طرفندن اقامه اولنان ونذیک و تیمونی زقانی یکجیسی التمش اوج باشنده سیواسی امین اغا ابن ابراهیم و تیمونی زقاغنده اون بش نومروى خانه ده ساکن املاک دلالی یکری باشنده آستانه لی موسیو زاق ولد یاقومی بنه مذکور خانه ده مقیمه ایه اوتوز سکر باشنده آستانه لی انسطاشیادی بنت میخال حضور محکمه یه چیقاریله رق لدی السؤل متهملر الیه مدعی شخصی راشد افندی یه قرابت ومناسبتاری اولمدینی آکلاشلادقدن وعلی اصول تحلیف لری اجرا قلندقدن صکره منفرداً استماع اولدقلرند بولردن قومیسر محمد افندی حریق وقوعی خبر آله رق محل حریق کیتدیکنده قومیسر مصطفی وشا کر افندی لری اوراده کوردیکنی وشا کر افندی باقمده اولان شیچکمه سیله بارلادیفندن طیشاری چیقدقلری وبوصرمده لوئیک قایه اوزرنده بانطولون وکوملک الیه امان آمان دیمکده بولندیفنی ویاقمده اولان دکانک چیقهرق طوغریجه محل حریقده بش دقیقه مسافه ده کائن دیمستوقلینک خانه سنه کیدوب اوج دفعه قوی چالدقدن صکره دیمستوقلی نجره یه کلسیله دکانی باقمده اولدیفنی سوبلدیکنی ویاغینی طوبدقدن بش اون دقیقه صکره دیمستوقلی یی چاغریغنی بیان ایتدی .

علی افندی وقعه کیجه سی ساعت یدی راده لرنده راشد افندینک غازی نونسن چیقارکن دومان کوردیکنی جهته غازی نوبه چیقوب بر بخلدن دومان چیقمده اولدیفنی سوبلدیکنی ودومان زیاده لشمسیله کله دیمتری ورشد افندی الیه اشاغی یه ایتدیکر نده یاغینک متهملرک دکانده اولدیفنی کوردیکری وحریق طومیه جیره سوبلدیکى صرده ده قومیسر محمد افندی یه دخی خبر ورمسیله مومی الیه ک دیمستوقلینک خانه سی طرفه کیتدیکنی ومحل حریقده اجزا قوقوسی حس ایتدیکنی وبالاخره آرتسالك اوکنده دیمستوقلی یی کوردیکنی سوبلیدی .

قهوه جی یاقو راشد افندینک غازی نونسنک نجره سندن اون دقیقه آره الیه بودومان ندر دیه ایکی سس ایشتدکن صکره دیمستوقلینک دکانده حریق وقوعولدیفنی سوبلدیکری وباقدیفنده پولیس مأمورلینک سوندرمک چالشدقلری کوردرک کندو سیده اشیاسی قوتارمق ایچون دکانه کیتدیکنی در میان ایلدی .

میخانه جی آنستی راشد افندینک غازی نوننده قهوه ایچمکده ایکن یاغین واردیملر یه اشاغی ایسوب باقدیفنده متهملرک دکانک باقمده بولندیفنی ولوئیک برکوملکله دکان دروننده بولقمده اولدیفنی وبولیس مأمورلینک حریق اطفا یه چالشدقلری کوردیکنی بیان ایتدی .

بکچی امین اغا وقعه کیجه سی ساعت اوج یچقده دیمستوقلی خانه سنه کله رک ساعت الی یچقده قومیسر محمد افندی کلوب مر قومی خانه سندن چیقاره رق کورتدیکنی کوردیکنی آبان ایلدی .

دلال موسیو زاق وقعه کیجه سی ساعت یدی راده لرنده بریسنک دیمستوقلی قالق دکانک یانور دیمکده اولدیفنی ایشتمکله نجره دن باقدیفنده دکانک یانور دیان شخصک قومیسر محمد افندی اولدیفنی کوردیکنی وبرچاریک ساعت ظرفنده دیمستوقلینک کینوب کیتدیکنی ومر قوم دیمستوقلینک خانه سنه ساعت قاچده کلدیکنی بیلمدیکنی افاده ایلدی .

ابه انسطاشیادی دخی وقعه کیجه سی ساعت یدی یچقده دیمستوقلینک قوسی چانسیله باقدیفنده قوی چالان کیمسه نک قومیسر محمد افندی اولدیفنی کوردیکنی ومحمد افندینک دیمستوقلی یه چابوق کل دکانک یانور دبدیکنی وبش اون دقیقه صکره دیمستوقلینک کینوب کیتدیکنی کورمش اولدیفنی ومر قوم دیمستوقلی اقشامدن ساعت اوج ، اوج یچق راده لرنده خانه سنه کلدیکنی ومحمد افندی کلدیکنی زمان کندوسی نجره اوکنده اوطورمقده اولوب خانه سی اوکنده فار اولدیفنی و دیمستوقلینک خانه سی کندی خانه سنه قارشو بولندیفنی جهته محمد افندینک ورودنی کور دیکنی سرد ایتدی .

مدافعه وکیللری سلیم حسنی وخیار سوم افندیلر عندالسؤل مدافعه شهودی میانده اقامه ایدلش اولان قومیسر عثمان نوری ومصطفی افندیلر ادعا شهودی میانده استماع ایدلش ومعلوماتلری سولش اولدقلرندن آنلرک تکرار استماعلری طلبدن صرف نظر ایتدیکری سوبلدیلر .

متهملرک هرایکسی طرفندن اقامه ایدلش اولان قومیسر احمد رفیق افندی یه تبلیغات اجرا قلندیفنی حالده کلماش اولغله ولدی السؤل مدافعه وکیللری احمد رفیق افندینک تکرار جانبی طلب ایتملر یه معاون مومی الیه ک طلیبه احمد رفیق افندینک یارم آلتون جزای تقدی اخذینه واحضاراً جلبینه ومتهملر طرفدن اقامه اولنش اولان دیگر قسم مدافعه شهودینه دخی جلبنامه یازلق اوزره محاکمه نک یوم آخره تعلیقته متفقاً قرار ویریله رک کانون نائینک یکری اوجنی صالی کونی متهملر توفیق خانه دن کتوردیلرک وکیللری سلیم حسنی وخیار سوم افندیلر واستیفاف مدعی عموملیکی باش معاونی سعادتلو عزیز بک افندی ومدعی شخصی راشد افندی موقع مخصوصلرند اولدقلری حالده محاکمه علیه یه دوامله هیئجه قسماً

تبدیل وقوعه منی ضبط سابق اوقوتدیر یله رق مندرجاتی طرفین تصدیق ایلدی . ( مابعدی صکره یه )

تقوه نیک خانه سنه طاش آندینی ثابت اولان صوبه جی محی الدینک ایکی آی حسیله برابر مرقومدن اون بشلک جزای تقدی اخذینه

حسنی افندینک خانه سنه جبراً کوردیکنی تبین ایدن قاسم باشلی حسین بن عثمانک الی کون حبسنه

خبریه خانه تشهر سلاح ایدن قاسم باشاده زندان ارقه سنده ساکن توفیق افندینک اون کون حبسنه

تیمورجی اوسبک مادام مارینک ساعت وقوردوتی سرقت ایلدیکنی ثابت اولدیفندن الی آی حبسنه

طوبخانه ده ساکن جلب حسینک روولورنی سرقت ایلدیکنی تحققی ایدن دستکاهیلرده ساکن داودک اوج آی حبسنه وروولور بدلی اولان اوج لیرانک تحصیلنه

یکدیگرنی ضرب ایدن اسکدارده بکی محله ده ساکن سبزه جی یقولی الیه قله آتینک برهفته حبسلرینه

عابدی ضرب ایدن قایقچی مصطفانک برهفته حبسنه

بسال چراغی دیمتری الیه نوری بن ابراهیمک مضاربیه ایلدیکری ثابت اولدیفندن نورینک اون کون ودیمترینک برهفته مدنزله حبسلرینه

اسیر بازارنده ساکن پولیس علی افندینک کریمه سی ملک نام چوجنک دقتسزلک اثری اولیه رق مجروحیتنه

سیبیت ورن بدوسدن بالکراجرت جراحیه اوله رق یوز الی غروشک تحصیلنه

والده خانه ده مقیم حسینی ضرب ایدن یاققودن برلیرا آله رق مضروبه ویرلسنه ومر قوم یاققوبه

اطاله لسان ایدن حسینندن دخی یارم لیرا جزای تقدی اخذینه

ماردیروسک زوجیه سی خنازانت نام قادینی ضرب ایدن آریندن برلیرا آله رق مضروبه ویرلسنه

شرق تیمور پوللری مرکز قومیسری معاونی حیدر بکه اطاله لسان ایدن شا کر یکری درت ساعت حبسنه

ایوبده ساکن رمضانک، عبدالهی ضرب وجرح ایلدیکنی ثابت اولدیفندن اون بش کون حبسنه

بقال یوانی ضرب ایدن اقسرایده صوفیلر محله سنده ساکن ضیا ابن یشارک برهفته حبسنه

فاطمه خانی ضرب ایدن رضا بکک اوشاغی حسن بن سلیمانک برهفته حبسنه

اون قبان اسکله سی قایقچیلرندن مصطفای ضرب ایدن سلیمانک برهفته حبسنه

بلاطده بلده جاوشلرندن دلاور افندینک مناو بخوری ضرب ایلدیکنی ثابت اولدیفندن اون کون حبسنه قومقبولی آغونی قادینه حرف اندازلق ایدن سحافک اون بش کون حبسنه

یکدیگرنی ضرب ایلدیکری ثابت اولان بالقچی باسلفک برهفته حبسنه ولایازارک اوغلی باسف الیه قسطنطنیک صفر سنلری حسیله ولایرینه تسلیم ایدلملرینه

فرانسه دولتی تبعه سندن مارتینولک قوچونی ضرب وجرح ایلدیکنی ثابت اولدیفندن اون کون حبسنه

یکدیگرلر یله مضاربیه ایدن قهوه جی یقولینک اون کون واقسرایلی آپوستول الیه ماوریدینک برهفته حبسلرینه

قره کوز محله سنده ساکنه صفیه ومشره سی صبیحه خاتمه حرف اندازلق ایدن بالقچی اسماعیلک اون کون حبسنه

طله دن امراه ورجب افندیلرک ککبوزلی حافظ حسین وعمر افندیلری ضرب ایلدیکری ثابت اولدیفندن امراه افندینک اون کون ورجب افندینک دخی برهفته حبسلرینه

بلاطده آیا استراطی محله سنده ساکن طباقچی مارک خلاف تنیه قسار اوینادینی ثابت اولدیفندن کندیسندن بش بشلک جزای تقدی اخذینه

عمر خالجمی عثمان نورینک طراقلیرده ساکن ایران دولتی تبعه سندن ابراهیم خلیلک بالطوسی سرقت ایلدیکنی ثابت اولدیفندن اوج آی حبسنه وختام مدننده ضابطه جه کفالتنه ربطنه

دقتسزلکله زاندارمه افرادندن جالک مجروحیتنه سیبیت ورمش اولان داریمجلی بماندینک برهفته حبسنه

قولتوخی اصنافدن طهرانی موقوف محمدک یوسفیان خانی اوطه باشیسی محمود افندینک اوطه سنه بالدخول چاکتی سرقت ایلدیکنی ثابت اولدیفندن تاریخ توقیفندن اعتداراً اوج آی حبسنه وختام مدت جزائی سنده ضابطه جه کفالتنه ربطنه

خاصکوبلی بصیرنک، برادری رحیمی تشهر سلاح ایلدیکنی ثابت اولدیفندن برهفته حبسنه

آرابه سوریمجیسی عاکف الیه عربکری ابراهیمک یکدیگرنی ضرب ایلدیکری آکلاشلدیفندن برهفته حبسلرینه

بقال بدوس الیه اوغلی المیانک قطارجی صائم افندی یی ضرب ایلدیکری تحققی ایتدیکندن مرقو ماندن برر لیرا آله رق مضروبه اعطاسنه

زندان قیوسنده ساکن بلکن سفینه سی قبودانلرندن حقی اغانک زیتجی اسپویه تشهر سلاح ایلدیکنی ثابت اولدیفندن اون بش کون حبسنه



يکديکری ضرب ایلدکری ثابت اولان واپور  
عمله سندن عاصمک اون کون حبسنه وکته دن علی  
افندی دن بر لیرا آلهرق مرقوم عاصمه ویرلسنه  
یورغاکنی ضرب ایدن حسن افندی کون کون  
حبسنه

معمار زقاغنده مارینک خانه سنده اوشاقلق ایدن  
آندونیک اسپاسیه نی ضرب ایلدیکی ثابت اولدیغندن  
یکرمی کون حبسنه

ایوب آراهه جیلرندن محمدک ولی نی ضرب ایلدیکی  
تحقیق ایلدیگندن کنديسندن بر لیرا آلهرق مضروب  
ویرلسنه

اجرای مأموریت حالنده پولیس مصطفی افندی نی  
تحقیق ایدن نشان طاشنده ساکن قصاب افندی دن بر  
یحیق ایرا جزای نقدی آلمسنه

بیوک دره لی حسین ایله زوجیه سی ذکیه نک  
علی نی ضرب ایلدکری ثابت اولدیغندن حسینک اون  
کون حبسنه و ذکیه دن بر لیرا آلهرق مرقوم علی به  
اعطاسنه

طوبخانه لی بالقجی مارقونک توتونجی قسطنطینی  
ضرب ایلدیکی ثابت اولدیغندن اون کون حبسنه  
دامادی یورکی نی ضرب ایدن قاضی کویلی یورکیدن  
بر آلتون آلهرق مضروب مرقومه اعطاسنه  
دیتری نی ضرب ایدن قدری اغانک اون کون  
حبسنه

حرم اسکله سنده قایقچیلق ایدن شعبانک رأفت  
افندی نی ضرب ایلدیکی ثابت اولدیغندن برهفته حبسنه  
خیریه خامی ضرب ایدن پولیس چاوشی محمد  
افندی دن بر لیرا آلهرق مضروب ویرلسنه  
مصطفی افندی نی ضرب ایدن ضیا افندی دن بر  
التون آلهرق مضروب ویرلسنه

حاجی سعد اللهک سالیس حسنی ضرب و جرح  
ایلدیکی اکلاشادیغندن برهفته حبسنه

خالجی اوغلنده ساکن ارداشک کراسته سی  
سرقت ایدن بارکی سوریحیسی عارفک اوچ آی حبسنه  
درسعادت، بک اوغلی واسکدار بدایت محکمه لری جزا  
دائرة لرجه قرار ویرلمشدر.

## اعلانات

نجات بحریه محکمه سنده :

استانبولده شریف پاشا خاننده ۳۴ نومرولی  
اوطده مقيم ارستاکس ماتوسیانک ۲۹ نینسان سنه  
۳۱۹ تاریخندن اعتباراً اعلان افلاسنه و مصالح افلا-  
سیه نک رؤیت و تسویه سی ضمننده اعضای محکمه دن

عزتلو مارقارافندی ک ژوزر قومیسر ودعوی وکیللر-  
ندن قره بت آیحیان و فؤاد افندی لک موقت سندیک  
تعیینلرینه و مغازه سیله اشیا ی زائده بیته سنک تمهیرینه  
واوراق و دفاترینک جلبنه و کفالت ارا نه ایده مدیکی  
تقدیرده حبس و توقیفنه و بوباده کی قرارک موقه  
اجراسنه محکمه تجارت بحریه جه قرار ویرلمش اولدیغندن  
قانوننامه تجارتک ۱۷۰ نجی ماده سی موجبجه دائمی  
سندیکلر انتخاب اولنق اوزره مایسک اون دردنجی  
چهارشنبه کونی ساعت یدی راده لرنده اصحاب  
مطلوبک محکمه مذکور نک افلاس اوطه سنه کلری  
اعلان اولنور .

اسکدار بدایت محکمه سی اجرا دائره سنده :

صراف خره لمبوسک بکر صدیق بک ذمتنده بااعلام  
آلاجی بولان مبالغک تأمین استیفاسی ضمننده مرهون  
اولوب فروختی محکمه قرار ی اقتضاسندن بولان  
بر آلتون ساعت و بر عدد آلتون فلمنک طاشلی بیله زک  
وایکی چفت فلمنک طاشلی ککوبه شهر مایسک  
بشنجی بازار ایرتسی کونی ساعت بش راده لرنده  
درسعادتده جواهر بدستاننده بالمزایده فروخت  
اولنه جغندن طالب اولنلرک محله عزیمتله مأمور  
مخصوصنه مراجعت ایللری اسکدار بدایت محکمه سی  
اجرا دائره سندن اعلان اولنور .

ازمیه سخاغی بدایت محکمه سی اجرا دائره سنده :

غروش  
۴۲۰۰ قومله چفتلیکی جوارنده شرقاً دره غرباً  
جلال بک زاده محمد بک ترلاسی شمالاً دره  
جنوباً بول ایله محدود (اوتوز ایکی دونم ترلا)  
۳۰۰۰ قومله چفتلیکی جوارنده شرقاً عثمان بک  
ترلاسی غرباً حاجی مصطفی ترلاسی جنوباً  
دره ایله محدود (اوتوز دونم ترلا)

۲۰۰۰ اقارجه ده شرقاً عثمان بک چفتلیکی چاری  
غرباً الماحی اوغلی علی ترلاسی شمالاً ارنبود  
اوغلی ترلاسی جنوباً حاجی کوسه ایله صاحب  
سند ترلاری (یکرمی دونم ترلا)

۱۵۰۰ اقارجه ده شرقاً کریم اوغلی مصطفی ترلاسی  
غرباً طراقلی محمد بن حسن ترلاسی شمالاً  
تیمورجی محمد بن احمد ترلاسی جنوباً صاحب  
سند ترلاسی (بش دونم ترلا)

۱۵۰۰ شرقاً کدک بکر اوغلی علی ترلاسی غرباً دره  
شمالاً قول اوغلی علی ترلاسی جنوباً صاحب سند  
ترلاسیله محدود (بش دونم ترلانک نصف  
حصه سی)

۱۵۰۰ شرقاً بر بر حسین باغی غرباً حاجی کوسه  
ترلاسی شمالاً ینه بر بر حسین ترلاسی جنوباً  
طراقلی محمد ترلاسی (النی دونم ترلا)

۱۵۰۰ شرقاً التونجی اوغلی چفتلیکی ترلاسی غرباً  
یتیم اوغلی حاجی علی ترلاسی شمالاً طریق عام  
جنوباً میخالیجلی حاجی پانده لی ترلاسیله  
محدود (النی دونم ترلا)

۱۵۰۰ شرقاً غرباً یتیم اوغلی حسین و علی ترلاری  
شمالاً اقارجه دره سی جنوباً خندک ایله محدود  
(اون بش دونم ترلانک درت حصه دن اوچ  
حصه سی)

۱۵۰۰ شرقاً قره علی اوغلی عمر غرباً دره شمالاً  
حاجی کوسه ترلاسی جنوباً قول اغاسی قره  
محمد اغا ترلاسی ایله محدود (اون دونم ترلانک  
نصفی)

۲۲۰۰ شرقاً و جنوباً طراقلی محمد غرباً علی بک  
ترلاسی شمالاً قلفاتیجی ترلاسی ایله محدود (بش  
دونم ترلا)

۳۰۰۰ شرقاً دره غرباً صاحب سند شمالاً بول  
جنوباً کوسه اوغلی حاجی محمد افندی ورته سی  
ترلاریله محدود (یکرمی بش دونم ترلا)

۱۵۰۰ شرقاً علی بک چفتک ابنیه سی ایله عثمان بک  
چاری غرباً و شمالاً ینه مومی الیهک اراضیسیله  
محدود (طقسان دونم چارک نصفی)

۲۴۹۰۰ یکونی

روسیه دولتی تبعه سندن قسطنطین ایوانوفک  
اذمید ترسانه سی انشآت مأموری بحریه میرلورلرندن  
متوفی علی پاشا ورته سی ذمتنده ترکه متوفای مومی الیهدن  
اولهرق برنجی محکمه تجارت اعلامی موجبجه محکوم به  
اله جنی اولان بیک کسور لیرانک تأمین استیفاسی  
ضمننده در سعادت برنجی تجارت محکمه سی ریاستی  
طرفندن تحت حجزه آدیریلان مع مشتملات برقطعه  
چفتلکک بالاده موقع وحدودلری محرر املاک  
واراضیسی لدی المزایده حدالرنده مرقم مبالغ ایله  
مشتربسی داین ایوانوف اوزرنده تقرر ایدرک موقت  
قرارداده سی چکلمش اولدیغندن تاریخ اعلاندن اعتباراً  
اوتوز برکون ظرفنده یوزده بش ضمیله زیاده طالب  
اولانلرک نظامی دائره سنده اذمید سسناغانی اجرا  
مأموریتنه مراجعت ایللری صوک دفعه اولهرق مأموریت  
مذکورده دن اعلان اولنور.